

U G O V O R

o pružanju usluga hotelskog smještaja

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda, Zdravko Đuričić (u daljem tekstu: **Naručilac usluga**),

i

„HOTEL EUROPE“ Sarajevo, ul. Vladislava Skarića br. 5, ID broj 4200375800008 koga zastupa direktor, Rasim Bajrović (u daljem tekstu: **Davalac usluga**).

Član 1.

Predmet ovog ugovora je pružanje usluga hotelskog smještaja za potrebe Naručioca usluga, sa sjedištem u ulici Reisa Dž. Čauševića 6/III u Sarajevu.

Član 2.

Davalac usluga se obavezuje da će usluge hotelskog smještaja pružati u skladu sa Ponudom broj 1054/15 od 3. marta 2015. godine, koja je sastavni dio ovog ugovora, a po narudžbi Naručioca usluga.

Naručilac usluga se obavezuje da će rezervaciju soba izvršiti najkasnije 1 (jedan) dan prije predviđenog dolaska gostiju, a u slučaju otkaza najmanje 5 (pet) dana prije predviđenog dolaska. Najava i otkaz rezervacije vrše se pismenim putem (faksom ili e-mailom).

Član 3.

Jedinične cijene smještaja iz člana 1. ovog ugovora sadržane su u Ponudi iz člana 2. stav 1. ovog ugovora. U cijene su uračunati noćenje i doručak. U cijenu nisu uračunate boravišna taksa (2,00 KM) i osiguranje po danu po osobi (0,50 KM).

Procjenjena vrijednost ugovora za godinu dana iznosi 10.000,00 KM bez PDV-a.

Član 4.

Naručilac usluga se obavezuje da će izvršiti plaćanje navedenih usluga po prijemu fakture, a nakon korištenja usluge.

Naručilac usluga se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po prijemu fakture, fakturu proslijediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 5.

Ovaj ugovor se zaključuje na period od godinu dana, odnosno do raspisivanja novog postupka i izbora novog najpovoljnijeg ponuđača.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima Bosne i Hercegovine.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine.

Član 8.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA

Direktor

Rasim Bajrović

Broj: 1750/15

Sarajevo, 23.04.15.



Broj: P3-62/15

Sarajevo, 27.03.2015.